

Bosanska Krupa: Gdje je završilo 10% od kredita 3,5 miliona KM za kanalizacionu mrežu



Naša redakcija dobila je dopis grupe građana Bosanske Krupe koji u cijelosti objavljujemo. Da je kanalizaciona mreža samo paravan za neke krupnije stvari iza kojeg stoji , ni manje ni više nego papirnati menadžer godine, načelnik općine Armin Halitović,

govore nam informacije koje su nam pristigle ovih dana.

Načelnik Armin Halitović, bivši direktor KIB banke, 2009. godine je krajem mjeseca jula sa svojom privatnom većinom podigao kredit u iznosu od 3,5 miliona KM sa kamatnom stopom koja iznosi 11% na godišnjem nivou, sa grejs periodom od 6 godina i rokom otplate na 25 godina.

Općina novca nema a banka već potražuje otplatu kredita, pa će se stoga sredstva za ove namjene skidati sa računa indirektnih poreza koje pripadaju općini Bosanska Krupa. Ako na ovo dodamo ratu kredita za poslovnu zonu pilana u iznosu od 350 000 KM i ratu kredita JKP „10 Juli“, kojeg plaća Općina kao žirant u iznosu od 250 000 KM bez kamata, ukupna rata svih kreditnih obaveza Općine na godišnjem nivou iznosi oko 900 000 KM, što predstavlja 20 % budžeta općine.

Trenutno kreditori traže reviziju glavnog projekta koji se odnosi na kanalizaciju jer se ne zna šta je uradjeno i koliko sve košta i šta je sve obuhvaćeno ovim projektom. Što se tiče ovoga projekta, jasno je samo da su sredstva u iznosu 1, 5 miliona KM utrošena u polaganje neodgovarajućeg profila cijevi i da pri tom nije urađen ni jedan kolektor.

Zbog svega toga postoje objekti koji se ne mogu priključiti na glavni vod kanalizacije jer je primarna kanalizaciona mreža ovoga projekta viša od sekundarne mreže (slučaj u MZ Govedarnica).

U Ulici Gimnazijskoj kanalizacija je uradjena ranije, da bi ista ponovo bila obuhvaćena i kroz ovaj projekat, što znači da je uradjena dva puta za iznos od 100 000 KM. Postavlja se pitanje gdje je nestalo 100 000 KM i ko je odgovoran.

Sve ovo upućuje na to da su glasine koje se šire gradom ipak istinite, odnosno da je Armin Halitović iz ovih velikih projekata uspio kupiti stan u Sarajevu i vilu na Pagu.

Da je načelnik već uhodao posao po principu 10% koverta od ukupne vrijednosti projekta, kao primjer govori nam i činjenica da je od tendera za kanalizacionu mrežu koji je vrijedan 1,5 miliona KM načelnik odabrao firmu sa najskupljom ponudjenom cijenom pored dvije povoljnije ponude i time ošteti budže općine Bosanska Krupa.

Ovim slučajem se već zanima i Tužilaštvo USK, koje prikuplja neophodne dokaze za utvrđivanje krivične odgovornosti za sve ove radnje.

Sredstva su potrošena bez ikakve kontrole, izvođenje radova se vrši bez građevinske i urbanističke dozvole i, što je najžalosnije i najpogubnije za građane, kao takav još uvijek nije u funkciji.

Izvor: Dopis grupe nezadovoljnih građana Bos. Krupe